


-  Solat ulih niki'ka peninggi' pangkat enggau pemesai siku'-siku' ukai semina' ba' tisi Allah Ta'alā aja' tang mega' ba' raban bala mensia.
-  Solat ulih meri' tampak penerang maya Hari Bebalas.
-  Solat meri' pengampun sereta pengasih (ari Tuhan).
-  Solat nutup pintu nyadi kapir.
-  Solat ulih ngelempungka itung sereta ngemeratka timbang ba' Hari Akhirat.
-  Solat ulih meresi tubuh enggau semengat.
-  Solat ulih muka' pintu jereki.
-  Solat ulih nyadi kunchi ke Serega..
-  Solat nyadi jalai jihad ti' pengambis manah kena' ngulikha kasih sayau sereta pangkat mulia ari Allah Ta'alā.
-  Solat ulih nulak penatai bala ti' jai' enggau sebarang penusah.
-  Solat ulih ngasuh sampi enggau peminta' diterima'.
-  Solat ulih nyeliahka kachau enggau pujuk sitan.
-  Solat ulih mansutka pemaik diri' sereta ngenataika tulung Allah Ta'alā.
-  Solat nyadi pugu' enggau lambang tanda pechaya' ngagai Allah Ta'alā baka ti' bisi' dikembuan dalam kalimah syahadah.



Teks oleh : Ann Wan Seng
Disalin jaku' Iban ulih: Yakub Bin Abdullah @ Lidum Anak Sampau



Diterbitkan oleh
YAYASAN DAKWAH ISLAMIAH MALAYSIA
Aras 4, Blok D, Kompleks Islam Putrajaya
No. 3, Jalan Tun Abdul Razak, Presint 3
62100 Putrajaya
Tel.: +6(03)-88703870
Faks.: +6(03)-88703871
www.yadim.com.my

YADIM

yadimofficial  YAYASAN DAKWAH
ISLAMIAH MALAYSIA
yadim   yadimTV

www.yadim.com.my



buku.yadim.com.my
Kedai Buku YADIM

GUNA SOLAT



“
Lalu perintahka meh bala kita' sebilik
enggau umat kita' ngerejaka solat
sereta tetap sabar meh nuan
ngerejaka ia. Kami nadai minta' jereki
ba' nuan, tang Kami meh ti' meri'
jereki ngagai nuan, lalu ingat meh
pengujung iaka manah enggi' urang
ti' beiman.
(Surah Taha: 132)
”



Enggau nama Allah Ti' Pemadu' Kasih
sereta Pemadu' Sayau



Solat ianya' nyadi siti' ibadah ti' diwajibka ngagai urang Islam ti' mukalaf. Solat dikerejaka tiap-tiap hari berengkah ari maya Subuh, Zuhur, Asar, Maghrib enggau Isyak.



Solat (sembiang) reti ia leka jaku' enggau kebut tubuh ti' bepun ari niat (tuju kedeka' ati) enggau takbiratul ihram lalu penembu' ia enggau nyebut jaku' salam. Solat tu' nyadi pugu' sereta tiang agama ti' nyadi tali pengikat entara mensia enggau Allah Ta'ala.



Ibadah solat mesti didirika enggau pengambis manah nitihka chunto solat ti' didirika ulih Nabi Muhammad SAW. Dalam solat, runding enggau ati kitai dituju semina' ngagai Allah Ta'ala aja' enggau chara ngingatka tiap-tiap leka bacha sembiang sereta rukun ia. Ingat dalam solat sigi' amat patut ngambi'ka ibadah tu' ulih dikerejaka enggau khusyuk (bebendar ati).

Solat ti' khusyuk ulih ngemansutka asai ati ti' rindu' ngagai Allah Ta'ala kena' nitih ngerejaka semua pengawa' ti' diperintah lya sereta nyauhka diri' ari semua utai ti' ditagang lya. Kaul kitai mensia enggau Allah Ta'ala disebut 'Hab lun minallah'. Ibadah solat amat beguna dalam pengidup umat Islam kena' ngemansutka pendiau diri' ti' taluk asai ulun beibada ngagai Allah Ta'ala.

Solat ukai semina' nyadi syarat iman enggau amal diterima' ulih Allah Ta'ala. Solat ti' sempurna ulih meri' ajar ti' amai beguna ba' pengidup siku'-siku' urang Muslim:



Solat ulih nyekat pengawa' ti' jai' sereta ulah ti' rusak.

Solat muka' peluang ngulihka upah belipat kali'.

Solat nyediaka alai endur kena' muai dusa.

Solat nyadi tanda syukur ngagai nikmat pemeri' ari Allah Ta'ala.

Solat ulih nyauhka pemenchi' Allah Ta'ala.

Solat nyadi pun penyenang enggau pengelantang.

Solat mai' ngetu belelak ba' pikir, ati enggau tubuh.

Solat meri' danji menang enggau selamat.

Solat ulih ngatur pendiau ti' tegap sereta mulia.

Solat nyadi pugu' pengering umat ti' kuat sereta besatu padu.

Solat ulih mansutka diri' nyadi merdika ti' tulin.

Solat ulih ngatur disiplin diri'

Solat ulih mulaika pengidup ati ti' udah mati.

Solat ulih ngasuh cheregas sereta nambahka pengerai.

Solat nguatka pengingat ba' ajar pengarap Islam.